



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Trias episcoporum et principum Paderbornensium triplici
in Societatem Jesu Paderanam beneficio munificia**

Theodor <Paderborn, Bischof>

[S.l.], 1692

Ad Lectorem

urn:nbn:de:hbz:466:1-7710

A D L E C T O R E M.

Reminiscentia beneficiorum, quæ præcesserunt, sequentium est mater uteri tantò fecundioris, quò gratiorem filiam parturit. Liberaliore manu funduntur beneficia, cum in ingratos non effunduntur, abhorrente Naturâ inanes profusiones, quæ sine lucro, grati saltem animi, sterilescunt. Neq; enim sementem scopulo credimus, aut arenosum litus aramus, cum spes messis, aut in petram procidat, aut in aquam, dispendio utrobique aequali. Ab hac origine veterum Festa Fontinalia profluxerunt, quorum solennitas hoc lemmate concluditur: Aquam hausisti? puteum corona. Ab eadem fluxerunt Eucharistica, quæ, lege naturali, gratias iis agendas imperant, qui gratiam præstiterunt. Simile scriptiois huius argumentum est: strictim memorare eorum beneficia, qui SOCIETATEM IESV PADERANAM, ut hic esset, evocarunt, ut melius esset, stabilierunt, & porro pergunt affectu prono, effectû liberali, fovere ut Filiam, quam ut Patres educarunt. Cum autem multi eorum sint, & è plurium numero TRES potissimum emineant, Triplicem in iis SALOMONEM sistimus, ne inferior comparatio de dignitate Virorum Principum aliquid decerpât. Et habebit fortè SALOMON HEBRÆVS, quod in CHRISTIANOS SALOMONES, non ineptâ similitudine transire videatur. SALOMON, teste interpretum calculo, Academiam publicam in monte Sion erexit, in qua disputatum est: super lignis à Cedro, quæ est in Libano, usq; ad Hyssopum, quæ egreditur de pariete 3. Reg. 4. THEODORVS EPISCOPVS Generale Scientiarum studium excitavit in editiore suæ Urbis colle, qui amœnos Paderæ fontes ab apice despicit, & è radice sua effundit. SALOMON Templum Hierosolymitanum opere Regali in mundi miraculum evexit. FERDINANDVS EPISCOPVS Basilicam Xaverianam, munificentia plusquam Principali, omnibus admirandum operum suorum compendium extruxit. SALOMON Basilicam Solymæam, Arcâ fœderis illatâ, dedicans, splendorem caeremoniarum veterû cum sanctitate mentis copulavit. HERMANNUS VVERNERUS EPISCOPUS Templum Xaverianum consecrans, gravitatem caeremoniarum legis novæ, animi sanctitate, & corporis decorâ gravitate duplicavit, nec dubiû fecit plus Se à radijs Virtutum, quàm fulgore Mitre, coruscare. Est & aliud, quod Palladem Paderanam in memoriâ veteris SALOMONIS retraxit. Noverat honori Fundatoris sui in Scenam productum ADOLESCENTEM SALOMONEM, cum Anno 1616. 13. Sept: VNIVERSITAS THEODORIANA, Ludis solennibus proclamaretur. Placuit non abire ab avitis Majorum vestigiis, sed pedem in eodem Theatro ita figere, ut, postquam in minori Dramate Adolescentia Salomonis novo vestitu decora præluserit, aperto ampliori spatio plures Salomones sponsa Sapientia exhibeat. Fave Lector, nec invide magnorum virorum encomijs, quæ testis veritas & plausus popu-
lorum stabilivit.

Drama